

重編增校張小山北曲聯樂府下卷

任氏詞曲叢書第三種

元張可久小山著

任訥中敏重編增校

慶東原

今樂府

次馬致遠先輩韻九篇

九首

燒丹竈。洗藥瓢。樂清閒。幾箇人知道。閒吹鳳簫。悶拈兔毫。焉用牛刀。他

得志笑閒人。他失脚閒人笑。

明人傳本次句無樂字。五六二句作愁消閑。書忘雁遙。

門長閉。客任敲。山童不喚陳搏覺。袖中六韜。鬢邊二毛。家裏簞瓢。他得志笑閒人。他失脚閒人笑。

殺三士。因二桃。不如五柳莊前傲。文魔賈島。詩窮孟郊。酒困山濤。他得

志笑閒人。他失脚閒人笑。

繁華夢。貧賤交。唐堯不改巢由調。紛紛紫袍。區區綠袍。戀戀綈袍。他得

志笑閒人。他失脚閒人笑。

明人傳本三句作
膏梁不改林泉調。

詩情放。劍氣豪。英雄不把窮通較。江中斬蛟。雲間射雕。席上揮毫。他得

志笑閒人。他失脚閒人笑。

明人傳本作閑情放。壯氣
豪。席上句作塞外舞刀。

難開眼。懶折腰。白雲不應蒲輪召。解組漢朝。尋詩灞橋。策杖臨臯。他得

志笑閒人。他失脚閒人笑。

小令作解綬漢朝。明人傳本五
六兩句作策杖灞橋。攜杖臨臯。

依山洞。結草茅。清風兩袖長舒嘯。問江邊老樵。訪山中故交。伴雲外孤

鶴。他得志笑閒人。他失脚閒人笑。

陽春白雪。太和正音譜。作結茅。譜
又作他失志。明人傳本四五六句作

江邊問樵。山中
訪交。對外聽鶯。

蒼頭哨。驄馬驕。放轡頭也只到長安道。說家門儘教。守鹽鹽慢熬。請荆

布休焦。他得志笑閒人。他失脚閒人笑。

明人傳本次句以下作銜響只
到長安道。家門儘教。鹽鹽慢熬。

詞花
休魚

山容瘦。木葉凋。對西窗盡是詩材料。蒼烟樹杪。殘雪柳條。紅日花梢。他
得志笑閒人。他失脚閒人笑。明人傳本次句作
西風要算風光好。

越山卽事二首

庭前樹。籬下菊。老漁樵相伴閒鷗鷺。聽道士步虛。教稚子讀書。引吟客
攜壺。借賀老鑑湖船。訪謝傳東山去。

雲輕散。月易殘。女蕭何成敗了些風流漢。馮魁硬鏟。雙生緊趕。小姐先
赴。今夜惜花心。明日傷春嘆。按次首與前首不類。太平樂府作題情。屬劉
時中。小令同此。亦作越山卽事二曲。姑從之。

新樂府

春日

鶯啼晝。人倚樓。酒痕淹透香羅袖。薔薇水蘸手。荔枝漿爽口。瓊花露扶
頭。有意送春歸。無奈傷春瘦。

醉太平

今樂府

春情

烏雲髻鬆。金鳳釵橫。伯勞飛燕自西東。惱離愁萬種。碧溶溶滿溪綠水。桃源洞。淡濛濛半窗白月。梨雲夢。恨匆匆。一簾紅雨杏花風。把青春斷送。

席上有贈

風流地仙。體態天然。畫圖誰敢鬪嬋娟。相逢酒邊。當樓皓月姮娥面。倚闌翠袖琵琶怨。滿林紅葉鷓鴣天。惜花人未眠。

懷古

翩翩野舟。汎汎沙鷗。登臨不盡古今愁。白雲去留。鳳凰臺上青山舊。秋千牆裏垂楊瘦。琵琶亭畔野花秋。長江自流。

鳳凰臺上青山舊。秋千牆裏垂楊瘦。琵琶亭畔野花秋。長江自流。

蘇隄漁唱

湖上鈔本原並下三首皆作湖上。

洗荷花過雨。浴明月平湖。暮雲樓觀景模糊。蘭舟棹舉。泝涼波似泛銀河去。對清風不放金杯住。上雕鞍誰記玉人扶。聽新聲樂府。

失題勞氏校鈔本以下三首作無題。此按詞意分作失題一首。失題二首。

塵蒙了鏡臺。粉淡了香腮。不提防今夜故人來。你將我左猜。小冤家怕不道心兒裏愛。老妖精拘管的人來煞。村馮魁割捨得柱兒頸。遠鄉了秀才。

失題二首。中原音韻此首作感懷。

人皆嫌命窘。誰不見錢親。水晶環入麵糊盆。才沾粘便滾。文章糊了盛錢囤。門庭改做迷魂陣。清廉貶入睡餛飩。胡蘆提到穩。中原音韻癡癡作樂府水晶環作

水晶丸音韻沾粘作粘粘鈔本貶入原作匯入此從音韻等。

陶朱公釣船。晉處士田園。潛居水陸。脫塵緣。比別人慮遠。賢愚參雜。隨

時變。醉醒和闌。迷歌宴。清濁混沌。待殘年。休呆波屈原。鈔本原作醉醒和闌末句波屈原

沒此從痛縣樂府

雍熙樂府有嘆世四首。二三兩曲。卽此失題二首也。其首曲云。散牛羊。漢。走狐兔。秦宮。一般滿。灑月明中。競虛名。闕勇。一身罪。惡。于鈞重。百

年動業三生夢。五湖烟水一帆風。養殘軀。善終末。曲云。君唐虞聖明。臣伊呂康能兆民。簫鼓賀豐登。舊風流老成。食菱花。酒酣歡度。留連歌舞

潘林興。糊突夢魂有離醒。大家辭太平。詞前未具名。未必張作也。

吳鹽

傷春

烟消寶鴨。字篆銀蝸。傷春心事付琵琶。誤平康過馬。玉容淚濕鴛鴦帕。紅絨香冷秋千架。金壺水換牡丹花。等他來看咱。

金華山中

金華洞冷。鐵笛風生。尋真何處寄閒情。小桃源暮景。數枝黃菊勾詩興。

一川紅葉迷仙逕。四山白月共秋聲。詩翁醉醒。

登臥龍山

黃庭小楷。白苧新裁。一篇閒賦寫秋懷。上越王古臺。半天虹雨殘雲載。幾家漁網斜陽曬。孤村酒市野花開。長吟去來。

山中小隱

裹白雲紙襖。掛翠竹麻條。一壺村酒話漁樵。望蓬萊縹緲。漲葡萄青溪春水流。仙棹靠團標。空岩夜雪迷丹竈。碎芭蕉。小庭秋樹響風濤。先生醉了。

迎仙客

今樂府

感舊

鸚鵡洲。鳳凰樓。十年故人懷舊遊。杜陵花。陶令酒。酒病花愁。不覺的今

春瘦。

湖上送別

釣錦鱗。棹紅雲。西湖畫船三月春。正思家。還送人。綠滿前村。烟雨江南恨。

春日湖上

二首

雨亦奇。錦成圍。笙歌滿城鶯燕飛。紫霞杯。金縷衣。倒著接籬。湖上山翁醉，
舞絳紗。扣紅牙。耳邊玉人催上馬。雪兒歌。蘇小家。月淡梨花。醉倚秋千架。

春晚

看牡丹。倚闌干。宿酒乍醒欹髻鬟。燕初忙。鶯正懶。簾捲輕寒。玉手調箏雁。

秋夜

雨乍晴。月籠明。秋香院落砧杵鳴。二三更。千萬聲。擣碎離情。不管愁人聽。

黃桂

近玉階。映瑤臺。婆娑小叢巖畔栽。雁初飛。花正開。金粟如來。望月佳人拜。

新樂府

春思

魚尾釵。鳳頭鞋。花邊美人安在哉。烟冷寶爐香。塵昏玉鏡臺。燕子歸來。月淡朱簾外。

括山道中

雲冉冉。草纖纖。誰家隱居山畔崦。水烟寒。溪路險。半幅青帘。五里桃花。

店。

凭闌人

今樂府

湖上首二

遠水晴天明落霞。古岸漁村橫釣槎。翠帘沾酒家。畫橋吹柳花。
二客同遊過虎溪。一徑無塵穿翠微。寸心流水知。小窗明月歸。

春夜

燈下愁春愁未醒。枕上吟詩吟未成。杏花殘月明。竹根流水聲。

春思

首三

鶯羽金衣舒晚風。燕嘴香泥沾亂紅。翠簾花影重。玉人春睡濃。
春柳長亭傾酒罇。秋菊東籬灑淚痕。思君不見君。倚門空閉門。
簾外輕寒歸燕忙。橋下殘紅流水香。遊人窺粉牆。玉驄嘶綠楊。

吳鹽

暮春卽事

首二

萬朶青山生暮雲。數點紅香留晚春。凭闌愁玉人。對花寬翠裙。
小玉闌干月半招。嫩綠池塘春幾家。鳥啼芳樹丫。燕銜黃柳花。

江樓卽事

一曲琵琶江上舟。十二闌干天外樓。粉香蝶也愁。玉容花見羞。

八韻樓上酬正則李侯

爛醉東君三月時。細和休文八韻詩。舞裙催柘枝。曲闌搖柳絲。

秋思和吳克齋

一寸冰蟾明翠廊。萬里青天書雁行。碧梧敲晚涼。玉人燒夜香。

和白玉真人

鈔本原連下
一首同題

寶劍英雄血已乾。玉府神仙心自閒。鍊霞成大丹。袖雲歸故山。

失題

玉手攜香羅帕乾。粉面粘花粧鏡寒。對樓千萬山。倚雲十二鬟。

湖上醉餘

二首。太平樂府與
小令作湖上醉歸。

明月中流歌扣舷。柔雪雙娃同采蓮。小詞玉翼蟬。醉書金粉箋。

屏外氤氲蘭麝飄。簾底星松鸚鵡嬌。暖香繡玉腰。小花金步搖。

小令
微氲

風。星松
作學音。

席上分題

粧淡亭亭堆髻螺。歌緩盈盈停眼波。念奴留意多。使君如醉何。

晚晴小景

金羽翩翩柳外鶯。玉手纖纖膝上箏。晚風花雨晴。小樓山月明。

外集

衆遠樓上

畫棟飛飛簾外雲。仙袂飄飄天上人。釣船歸水村。雁行出海門。

白雲鍊師山居

丹氣溶溶生紫烟。石齒泠泠鳴玉泉。住山不記年。看雲卽是仙。

天台山中

雙闕瓊臺口。亂峯千樹琪。花香晚風白。頭雲外翁紫。潭波底龍。

海口道院

雨後松雲生紫巖。花外茶烟生翠嵐。袖詩出道菴。探梅來水南。

增

江夜

見小令

江水澄澄江月明。江上何人搗玉箏。隔江和淚聽。滿江長歎聲。

落梅風

今樂府

天寶補遺

姮娥面。天寶年。鬧漁陽鼓聲一片。馬嵬坡襪兒得了看錢。太真妃死而無怨。

西湖

湖光靜。山影孤。載斜陽小舟橫渡。正花開玉梅千萬株。鷁飛來老逋歸與。小令作歸去。

冷泉亭小集

彈初罷。酒暫歇。醉詩人滿山紅葉。問山中許由何處也。老猿啼冷泉秋月。

春日湖上

擔春勝。問酒家。綠楊陰列仙圖畫。下秋千玉容強似花。汗溶溶借人羅帕。

春晚次韻

二首

鶯鶯恨。燕燕愁。惜春歸。玉容添瘦。東君可人人病酒。怯東風海棠紅皺。金樽盡。玉漏遲。月明天柳陰無地。杜鵑怕將愁喚起。困東風夜深花睡。

蠟梅花

學宮樣。改玉容。列金釵。主人情重。撼疏林。夜來窗外風。蜜蜂兒帶香吹凍。

寒夜

寒齋靜。瑞雪多。凍吟詩。起來孤坐。蘆花絮衾江紙也似薄。問袁安怎生高臥。

題扇面小景

人何處。不寄書。一聲聲雁將秋去。月明中倚闌情正苦。玉波寒粉蓮啼露。

湖上

羽扇塵埃外。杖藜圖畫間。野人來海鷗驚散。四十年繞湖。賒看山買山。錢更教誰辦。

越城春雪

朱簾上。皓齒歌。柳梢青野梅開過。倚闌干。醉眸天地闊。雪山寒玉龍高臥。

離情

人孤另。愁萬結。南樓上雁聲拖拽。別離有情無處寫。洞簫寒滿天明月。

江上寄越中諸友

江村路。水墨圖。不知名野花無數。離愁滿懷難寄書。付殘潮落紅流去。

春情

秋千院。拜掃天。柳陰中躲鶯藏燕。掩霜紈。遞將詩半篇。怕簾外賣花人。